

## ПСАЛОМ 102

Благослови́, душе́ моя́, Го́спода, и вся вну́тренняя моя́ и́мя свя́тое Егó. Благослови́, душе́ моя́, Го́спода, и не забыва́й всех воздая́ний Егó, очища́ющего вся беззакóния твоя́, исцеля́ющего вся недуги твоя́, избавля́ющего от ислéния живóт твой, венча́ющего тя мило́стию и щедро́тами, исполня́ющего во благихъ желáние твое́: обновится́ яко́ орля ю́ность твоя́. Творя́й мило́стыни Господь, и судьбу́ всемъ обидимымъ. Сказа́ пути́ Своя́ Моисе́ови, сыновóмъ Изра́иловымъ хотéния Своя́: Щедр и Мило́стив Господь, Долготерпели́в и Многомилóстив. Не до конца́ прогне́вается, ниже́ во век враждует, не по беззакóниемъ нашимъ сотвори́л есть намъ, ниже́ по грехóмъ нашимъ воздалъ есть намъ. Яко́ по высотé небéсней от земли́, утверди́л есть Господь мило́сть Свою́ на боящихся Егó. Ели́ко отстоя́т восто́цы от запа́д, удали́л есть от насъ беззакóния наша́. Яко́же ще́дрит отéц сы́ны, уще́дри Господь боящихся Егó. Яко́ Той позна́ создáние наше́, помяну́, яко́ персть есмь. Человéк, яко́ трава́ дние егó, яко́ цвет сéльный, тако́ оцветéт, яко́ дух прóйде в немъ, и не бóдет, и не позна́ет ктому́ мéста своего́. Мило́сть же Господня́ от вéка и до вéка на боящихся Егó, и правда́ Егó на сынéхъ сынóв, храня́щихъ заветъ Егó, и по́мнящихъ заповеди́ Егó творити́ я. Господь на Небеси́ угото́ва Престо́л Свой, и Цáрство Егó все́ми облада́ет. Благослови́те Го́спода вси А́нгели Егó, си́льнии крéпостию, творя́щие сло́во Егó, услы́шати гласъ словéс Егó. Благослови́те Го́спода вся си́лы Егó, слуги́ Егó, творя́щие волю́ Егó. Благослови́те Го́спода вся дела́ Егó, на вся́комъ мéсте влады́чества Егó, благослови́, душе́ моя́, Го́спода.